

LUTRIJA BOSNE I HERCEGOVINE d.o.o.Sarajevo
NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 14.01.2019. godine, d o n i o j e

P R A V I L A
novčane srećke “SUPER M”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “SUPER M” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “SUPER M”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka “SUPER M” je igra na sreću sa unaprijed utvrđenom visinom fonda dobitaka, u kojoj učesnik skidanjem kolor emulzije sa određenih polja saznaje rezultat igre, koji je otisnut u prostoru za označavanje dobitka.

Član 4.

Rok prodaje novčane srećke “SUPER M” otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.

Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovine i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000,00 KM (jedan million konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisione vrijednosti srećke ili 100.000,00 KM.

Fond dobitaka iznosi 73,33% od ukupne emisione vrijednosti srećke umanjene za iznos naknade za priređivanje srećki ili 66% od ukupne emisione vrijednosti.

Novčana vrijednosti fonda dobitaka iznosi 660.000,00 KM i dijeli se na 219.446 dobitaka.

Fond dobitaka serije se raspoređuje po slijedećem planu:

Vrsta dobitka	Vrijednost dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
1 KM	1 KM	100.000	100.000 KM	10,00
2 KM	2 KM	16.000	32.000 KM	62,50
(1 KM x 2)	2 KM	55.000	110.000 KM	18,18
5 KM	5 KM	5.600	28.000 KM	178,57
1 KM + (2 KM x 2)	5 KM	24.000	120.000 KM	41,67
10 KM	10 KM	600	6.000 KM	1.666,67
(5 KM x 2)	10 KM	2.000	20.000 KM	500,00
1 KM + (2 KM x 2) + 5 KM	10 KM	4.000	40.000 KM	250,00
(2 KM x 5)	10 KM	9.000	90.000 KM	111,11
20 KM	20 KM	840	16.800 KM	1.190,48
1 KM + (2 KM x 2) + (5 KM x 3)	20 KM	2.000	40.000 KM	500,00
40 KM	40 KM	80	3.200 KM	12.500,00
(5 KM x 4) + (10 KM x 2)	40 KM	200	8.000 KM	5.000,00
100 KM	100 KM	10	1.000 KM	100.000,00
(10 KM x 2) + (20 KM x 4)	100 KM	70	7.000 KM	14.285,71
200 KM	200 KM	10	2.000 KM	100.000,00
(100 KM x 2)	200 KM	30	6.000 KM	33.333,33
5.000 KM	5.000 KM	6	30.000 KM	166.666,67
Ukupno:		219.446	660.000 KM	4,56

Prosječna vjerovatnoća za ostvarivanje dobitaka iznosi 1 : 4,56.

8. OPIS SREĆKE

Član 10.

Srećka je kockastog oblika.

Prednja strana srećke sadrži:

- Logo Lutrije Bosne i Hercegovine;
- Cijena srećke;
- Naziv srećke „SUPER M“;
- Deset (10) polja, (2 x po 5 polja) u obliku malih kocki, prekriveni kolor emulzijom predviđenom za grebanje ispod kojih su ispisani dobitci sa pripadajućim slovima;
- Najveći dobitak 5.000 KM;
- Pakovni broj srećke;
- Polje prekriveno emulzijom sa natpisom „NE SKIDAJ“.

Poleđina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Ukoliko se nakon skidanja emulzije sa polja za grebanje otkrije najmanje jedno slovo **M**, ostvaruje se dobitak koji je ispisan ispod tog slova. Ukupan iznos dobitka predstavlja zbir svih iznosa ispisanih ispod polja sa otisnutim slovom **M**;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- Emisija: 1.000.000 srećaka;
- Emisiona vrijednost: 1.000.000 KM;
- Fond dobitaka: 660.000 KM;
- Datum prodaje do otisnut na srećki;
- Pakovni broj srećke;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71.000 Sarajevo;
- Podaci o dobitniku, za oporezive dobitke: ime i prezime, JMBG, adresa;
- Polje sa uplatnom šifrom u brojčanoj i bar kod formi;
- Pakovni kod srećke.

9. UTVRĐIVANJE DOBITAKA

Član 11.

Igrač utvrđuje dobitak skidanjem kolor emulzije sa svih deset polja predviđenih za grebanje na prednjoj strani srećke. Ukoliko se nakon skidanja emulzije sa svih deset polja predviđenih za grebanje otkrije najmanje jedno slovo **M**, ostvaruje se dobitak koji je ispisan ispod tog slova. Ukupan iznos dobitka predstavlja zbir svih iznosa ispisanih ispod polja sa otisnutim slovom **M**.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku. Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci prodatih srećaka, koji nisu isplaćeni do propisanog roka, smatraju se neisplaćenim dobitcima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano „NE SKIDAJ“ se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za učestvovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-31-115-2/19.
Dana: 14.01.2019. godine

P R E D S J E D N I K

Miroslav Čorić, s.r.